



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Hæresis Anglicana Protestantium, Puritanorum, Independentium.

urn:nbn:de:hbz:466:1-40853

294 *Tract. 3. Art. 5. Sectarum Singularum*
tantum figurativè : quod est omnino contra
Lutherum & Lutheranos , quorum dogmata
propria, ut dixi, reperiuntur in hujus Tractatus
fine expressa prout ab initio damnata fuerunt.

*Heresis Anglicana Protestantium , Puritanorum ,
Independentium.*

Protestantes in Anglia Religionem sibi fabrickerunt à cæteris Protestantibus Germanæ in multis diversam , ut supra cap 2. ostendit eos nec quidem in articulis fundamentalibus per omnia convenire. Est autem Secta Protestantum confusa ex variis dogmatibus partim Lutheri, partim Calvinii , quibus & alia sunt adjuncta dogmata ritusque ab utroque diversi. Nam primò, Protestantes Regem statuunt esse Caput supremum Ecclesiæ Anglicanæ. 2. Admittunt Ecclesiam debere conflari ex Archiepiscopis, Episcopis, Decanis, alijsque gradibus Ecclesiasticæ hierarchiæ. 4. Varios recipiunt Catholicorum antiquos ritus, altaria , cereos , superpilicia; non tamen realem Christi presentiam in cœna Eucharistica. Estque hæc in Anglia Religio Regis , & Aulæ , cui per varias leges co- nantur reliquas Sectas conformare.

Puritani è contra sunt rigidi Calvinistæ , nec nisi purum Dei verbum juxta Calvini placita se admittere profitentur. Hi in negando Regis primatu : in excludendis gradibus Hierarchiæ Ecclesiasticæ : in eliminandis omnibus Ecclesiæ Romanæ ritibus, Protestantibus è diametro opponuntur. Qui & alio nomine Presbyteriani nunquamptantur : eo quod velint Ecclesiam suam, exclusis Episcopis ac Ministris , à solis Senioribus laicis administrari.

Inde-

Independentes, qui maximè Cromuellii tempore emerserunt, in hoc Puritanis ac Protestantibus adversantur, Quod neque Reges, neque Episcopos, neque Seniores ad Ecclesiæ Regimen admittant. Sed velint quemlibet sibi Ministrum esse: ac quemvis sine ulla personæ ac sexus distinctione esse legitimum verbi Dei præconem, idque quovis loco, ac tempore, dum sentit se à Spiritu Sancto ad prædicandum Dei verbum impelli. Ac proinde templa, altaria, pulpita, rem frustarancam, & è medio tollendam existimant. Pro suæ verò Sectæ defensione contra reliquos Sectarios hoc argumentum validè intorquent: Vobis omnibus licuit Ecclesiæ Romanae antiquos ritus ac Cæremonias omnes revertere ac reformare, quibus centenis annis ante vos usâ fuerat. Ergo nobis multò magis libabit vestros ritus, Ecclesiæ, ac Cæremonias abollere, quæ tantum de novo emerserunt, neque parem cum Ecclesia Romana autoritatem, aut antiquitatem obtinuerunt. Videant quæso Protestantes, & Puritani, nisi à suo errore recedant, quo pacto ab hoc Independentium argumento sese expediant.

*Annotatio particularis ad sectam Anglicanam,
aliasque modernas.*

Vox una & doctrina communis Sectariorum hujus temporis hæc est: Ecclesiam Romanam à vera fide defecisse, & in gravissimos errores prolapsam per mille ducentos annos. Ethanc esse causam cur clerus & populus Anglie, Hollandie, & Germanie ex parte non modica, Ecclesiam Romanam deseruerit, & oppugnare caperit. Atqui non hanc, sed longè aliam

N 4

ab